

**MEGHALAYA A.DOKNI UIANIKO ON.GIPA DOL
SHILLONG**

UIANIKO AM.GIPANA DAKCHAKANI CHOLRANG

**MAIDAKE MEGHALAYA SORKARINI NING.O
DONGGIPA OFFICE-RANGONIKO UIANIKO MAN.NA
ON.GIMIN NIAM, 2005-O PANGCHAKE UIANIKO AM.NA
MAN.GEN. (RTI ACT, 2005)**

INDEX

Sl.No.	SUBJECT
1.	Uianiko Man.na On.gimin Niamni (Right to Information Act) Miksongani
2.	Uianiara Maia?
3.	Niamo Pangchake Uianiko Man.ani
4.	Uianiko Mang.anio Watchanggipa Bakrang.
5.	Jinmana (Niamko) Uiatgipa Officerrang (PIO rang)
6.	PIO rangoniko Dakchakanirangko Man.ani.
7.	Mamung Donnuani ba Draani Gri On.na Nanggipa Uianirang.
8.	Uianiko Man.ani Cholrang.
9.	Uianiko Man.anio Tangka Gamani.
10.	Formo Gapatani Niamrang.
11.	Mol.molaniko Matchotatani.
12.	Skanggipa Mol.molani (First Appeal)
13.	Gnigipa Mol.molani (Second Appeal)
14.	Ong.gija Dakani Kosako Apoti Ka.anirang (Complaints)
15.	Mol.molani aro Jegalanirangko Matchotatani.
16.	Mongsonggipa Web-sites.

UIANIKO MAN.NA ON.GIMIN NIAM, 2005 (RTI ACT, 2005) UIANIKO AM.GIPARANGNA DAKCHAKANIRANG

Uianiko Man.ani Miksongani

1. Ia niamni mongsong miksonganide, India a.songgo songdonggipa manderangko (citizens) bilngangatna, gimik kam ka.anirango mai ong.enga rongtale uiatna, sorkarini kamo sawa mai kamko ka.enga uko uiatna, ong.gija dakanirangko aro tangka cha.anirangko champengna aro manderangni jakchi rikgimin sorkari maikai manderanga kakket aro tik dake kam ka.e on.na man.gen chol on.ani ong.a.
Unigimin manderang a.songko sason ka.ani bakko ra.giparangko nambate nirok-sandigiparang ong.na man.gen, aro sorkariko songdonggipa manderangna nambate kam ka.na didiatgen.
Ia niaman (RTI Act, 2005) sorkarini dingtang dingtang bakrangoniko a.songni manderang uie ra.na man.na gita namgipa cholko on.aha.

Uie Ra.ania (Information) Maia?

2. Uiani je bostuba je bimangoba ong.a. Ua segimin recordrang, lekbarang, office file-o segiparang, e-mail-rang, chanchianirang, songbadna on.gimin lekbarang, officeo watgipa chitirang, order on.giminrang, contractrang, logbook-rang, chimmongimin mesokani bosturang (samples) ba computero chipgimin seanirang (data), iarang pilakkon uano man.chapa. Government ong.gijagipa gipin organisationrangoniko uina nanggnirang dongdode, Sorkari ba ugita bil on.ako man.gimin je dolba (public authority) private organization (biltangchi ong.atgimin dol) onika je uie ra.na nanggnikoba ua somoio niam dongdode iano man.gopa.

Niamo Pangchake Uie Ra.aniko Man.ani Chol

3. India a.songgo songdonggipa sakantian (public authorities) pilak sorkarini ning.o kam ka.enggipa office-rangoniko sandina man.a. Ia niamo pangchake manderang name kam ka.enggama ka.ja uko nirokna man.a (Inspection of

work); aro segimin lekbarang aro record-rangkoba sandie nina man.a; see jote ra.na man.a, bikote ra.na man.a; kam ka.na jakkalenggipa bosturangko on.tisa ra.ongkatna man.a (sample taking); ia pilakkon sorkarini officerangoniko dakna man.gen.

4. Je officer-rang, ia RTI Act ni ning.o kam ka.enga, uamang uianiko pe.rarone on.na ba taridapna man.jawa; dorkasto galgiparangi talna sikaniko talatnaba man.ja; chanchichipe ba sing.anirangna aganchaknaba man.ja. Ua niam (Act) ni para (2) gni gita je uina nanggnirang uamang baksa dongachim, ukosan ua sonsogimin organisationoniko man.gen.
5. India a.songo songdonggipa manderang iarangoniko sandie uianiko am.na man.gen – computerni diskettes, floppies, tapes, video cassettes ba je electronic machinerangoni bikotgimin lekbarang ba uandake gipin bosturang ba uano chipgimin segimin lekbarang ba gipin uianirang.
6. Uina nanggniko dorkasto galgipa je bimango nangnika, indaken on.aniko dakgen. Indiba, jeni gimin sandiengachim, ua sorkarini tangka ba gamko bang.dugae koros ong.gen gita nikode ba dongimin recordrang ba bosturangko nosto ong.atgen ine nikode ba ripinganiko nosto ong.atgen ine nikode, uina nangngiko bi-gimin bimango on.atjanaba gnang.
7. Ia niam uina nangngiko Indiani mandrangnasan on.aia. Dal.gipa Corporationrangna, ba Associationrangna ba Companyrangna aro indakgipa gipin dolrangnade ia on.aniko dakna miksongja. Indiba ua dolrangni ning.o kam ka.gipa mande ong.ode aro ua mande Indiao songdongkamgipa ong.ode (citizen) aro ua dorkasto galo bimung aro address chu.gimikko on.ode, una uina nanggniko on.na man.gen. Indake ong.ode, uako Indiao songdongkamgipa mande (citizen) ine changen aro dal.gipa dolni addressko on.enga ine chanchigen.

Uianiko On.aoni Watchanggin/Champenggin Dolrang

8. Uianiko am.na on.gimin niam pilak sorkarini ning.o donggipa office-rangko man.chapja. Niamni Section 8 aro 9 rango badia badia uianirangko sandie ra.na man.jawa uarangko see donaha. Una agreba niamni Schedule II-o Intelligence aro Security Organisationrangko niamni Section 24 o uianiko sandina man.jawa ine watchange donmanaha. Indiba, ia Schedule II aro Section 24ni watchanggiparang ong.gija tangka cha.anirangko aro manderangko ong.sie onai ka.e jakkalgipa a.selrangkode (corruption and human rights violation) man.chapja.

9. Uni gimin dorkasto galgiparang, ia Schedule II aro Section 8 aro 9 onikode, jinmani namgnina ba tangka cha.anirang ba mandeko onai ong.e jakkalani ong.ja skalde, uie ra.na dorkasto galaniko gelna nanga.

Public Information Officers (PIOs)

10. Uina nanganiko am.gipa mande dorkastorangko, sorkarini Public Information Officer (PIO) ine dongimin officerona ra.ange on.na nanga. Pilak officerangon Public Information Officerrang donga aro uamangni bimungrangko websiterango on.aha. Ua Public Information Officerrangko uina ba sandina neng.nikode, dorkasto bimungko segiya, Public Information Officerna ine see officeni address-ona watatna ba on.na man.gen.

PIO rangonilo Mai Dakchakanirangko Man.a

11. Uina nanggniko sandigipa manderangna uamangna PIOrang kraagita dakchakaniko on.gen. Je mandeba sena changjaode, ua mande PIO oniko sena gita dakchakaniko am.na man.gen. Saoba mikron jikja, ba nachil knaja, ba ku.sik aganna man.ja ba indakgipa gipin neng.nikanirang dongode, aro ua mandena uina nanggniko on.na chanchiman.ahaode, PIO ua mandena kraatgipa dakchakaniko on.na nanggen.

Suo Motu Disclosure

12. Ia niamni Section 4 gita, pilak sorkarini officer-rang officeni dingtang bakrang jekai, kam, ka.gipa manderang, dakna nanggni kamrang aro uandake pilakkon, an.tanggari ge.eta man.gijaan tale mesokna nanga. Una agreba, mitam state sorkarini ning.o donggipa officerang dingtang dingtang uina nanganirangko chapa ka.aha aro websiterango mesokenga.

Uina Nanggniko Man.ani Cholrang

13. Ia niamni gita uina nanganiko sandina sikhgipa mande, nanggipa officeni PIO na English/Hindi/Garo/Khasi ku.sikchi see dorkastoko on.ena nanggen. Dorkastoko dak watna ba e-mail ka.na ba jaktangchi ua officeona an.tangan ra.ange on.na man.gen. Dorkastoko Assistant Public Information Officer (APIO) jekon sorkari district ba sub-divisional levelo minge donaha, ua gitaba on.atna man.gen.

Uina Nangngiko Sandiani Fee

14. Dorkasto galgipa uina nanggniko sandiani fee Rs.10/- (gong chikung) ko office-ni PIO na dorkasto baksa on.na nanga, ba APIO nasa dorkastoko on.ode, una tangkako on.e tangkani receipt koba bi.na nanga. Ia feeko, tangka nogot ba Demand Draft (DD) ba Indian Postal Order (IPO) gita on.na man.a. Ia niam gita donsogimin feerangko ka.mao see mesoka:
15. Una agreba dorkasto galgipa ua uina nanggniko tarie on.anio gipin nanggipa korosrangkoba on.na nangnaba donga. Ia nanga korosrangko RTI (Regulation of Fee and Cost) Rules, 2005 ni donsogimin niam gita, dorkasto galgipa mandena, PIO uiatgen.
 - (a) Rs.2/- (gong gni) ko (A-4 ba A-3 size lekko) Xerox ka.gimin ba tarigimin lekka kingprako on.na nanggen.
 - (b) Dal.bata lekkao tariode, koros nanga gimikkon on.na nanggen.
 - (c) Sample ba modelna koros nanga gita.
 - (d) Recordrangko sandie nina gita, skanggipa, kantaode fee nangjawa; aro uni ja.manode kantaprakna Rs.5/- (gong bonga) ba komiode uni fraction gita.

- (e) Uina nanggniko computerni diskette ba floppy chipode, ge prako Rs.50/- (gong sotbonga); aro
 - (f) Nanggipa lekbarang chapa ka.gimin ong.ode, ua leka/ki.tapko badita damna donahachim ua dam gitan on.na nanggen ba ua ki.taponiko bikotode photocopy kingprakna Rs.2/- (gong gni) ko on.na nanggen.
16. Dorkasto galgipa mande namen kangal cholgrigipa ba Below Poverty Line (BPL) doloni ong.ode, ua mande feeko gamna nangjawa. Indiba kangal cholgri chong-mot ong.a ine sakkina sorkarini lekkako, on.skana nanggen. Je dorkasto baksa dongimin fee Rs.10/- (gong chikung) ba BPL ong.a ine sakkina gita leka on.chapja uan ia RTI niam gita chanako man.jawa aro ua dorkastoko jegale galna nanggen aro je uina nanggniko sandiengachim, uko on.na man.jawa.

Dorkastoni Form

17. Ia uina nanggnina gita dorkastoko galna tarigimin form dongja. Dorkastoko ramram lekkao see on.na man.gen. Indiba, ia dorkastoo galgipani bimung aro address chu-gimik dongna nanga. Phone numberkoba dongode uko on.o nambata. Uina nanggniko e-mail gita sandiatoba, dorkastoo chu.gimik bimung, address aro phone number dongna nanga.
18. Maini gimin uina nanggniko am.enga, ukode dorkasto galgipa mande aganna nangja.

Mol.molaniko/Bi.aniko On.e Matchotatani

19. Tik ong.e dorkasto galode, dorkastoko man.soa, saloni sal kolatchini gisepon PIO dorkasto galgipana uina nanggniko on.na nanga. Uina nanggniara mandeni janggi jamana kenchakani giminsa ong.ode, dorkastoko man.soaoni kanta sotbri chetni gisepon uko on.na nanga.
- Je uina nanggniko am.enga uko niam gita on.na man.jawa ine PIO chanchiode, ua mol.molaniko jegalna man.gen. Indake ong.oba, dorkasto galgipana maini gimin on.na man.ja uko ma.siate see aro sao mol.moltaina/appeal-ka.taina gita man.a, uani addressko on.na nanggen.

Badita somoiona kingking ia mol.moltaigipa dorkastoko ra.chakgen, uakoba uiatna nanggen.

20. Dorkasto galgipa mande, application feena agreba uina nanggniko man.na gita tangka gamna nangode, PIO, ua mandena, hisap ka.e koros gimikko chandime, maidake indita ong.aha uko uiatna nanggen. Indake uiataniko PIOoniko man.soani ja.mano, dorkasto galgipa nanga tangkako Tangka nogotchi ba Demand Draft ba Indian Postal Order (IPO) gita PIO ni bimungno, je officeona dorkasto galachim unona ra.ange on.na nanga. PIOni uiatgimin gita nangdapgipa feeko dorkasto galgipa on.jaode uina nanggniko on.na man.jawa.
21. Fee gamdapna nangode, dorkasto galgipa mandena iako uiatna leka watata somoioni, aro ua mandeni nanggipa tangkako gamete man.soa somoiona kingking ia somoiko watchangesa sal kolatchiko channa a.bachenggen.
22. Sal kolatchi ba kanta sobrichetni gisepo, am-enggipa uina nanggniko PIO watatja ong.ode, ia uina nanggniko on.na jechakaha ine chanchina nanggen.

Skanggipa Mol.molani

23. Dorkasto galgipana donsogimin somoi gita sal kolatchi ba kanta sotbrichetni gisepo uina nanggnika on.jaode ba je uina nanggniko on.ahachim, uko chu.onggnikjaode, ua mande mol.molani dorkasto first appellate authority ba skanggipa Mol.molaniko Ra.chakgipa Dol (DAA), jean dal.batgipa PIO ong.a una dorkasto galna man.gen. Indakgipa mol.molaniko, skanggipa dorkasto galani somoini sal kolatchi matchotani ja.manoni chane sal 30ni gesepo ong.na nanga ba PIO oniko uiataniko man.soani jaman sal kolatchini gisepo, dorkastoko galna man.gen.

24. Ia 'appellate authority' (DAA) ia mol.molaniko sal kolatchini gisepo ba dingtangmancha a.selrang dongode, sal sotbri bongani gisepon matchote on.na nanggen.

Gnigipa Mol.molani

25. Ia appellate authority (DAA) mol.molanina somoi gita uiataniko (order) on.atjaode, ba mol.molenggipa jeko on.aha, uko ua chu.ongnikjaode, ua gnigipa mol.molaniko, State Information Commissiona ra.angna man.gen. Uiatani order ko tariani ba man.soani tarikoni sal sotsku ba uni somoini ning.o, gnigipa mol.molaniko on.na man.gen. State Information Commissiono mol.molaniko dakon ka.mao on.giminrang dongna nanggen:-
- (i) Mol.molenggipani chu.gimik bimung aro address.
 - (ii) Je PIO ni dake on.ani kosako ia mol.molaniko on.enga, uni chu.gimik bimung aro address.
 - (iii) Uiatani orderni number dongode, jeni kosakon mol.molaniko dakna nanggnikenga;
 - (iv) Appeal ka.na nangani kan.dikgipa itihis;
 - (v) Uina nanggniko on.na man.jawa ine aganchakani kosakosa mol.molaniko dakenga; ong.ode, skang galgipa mol.molani pilak uina nanganirang, chong.motan chittini nombor aro tarik baksa aro je PIO rangna dorkastoko on.ahachim uamangni bimungrang aro addressrangko on.chapna nanggen;
 - (vi) Maia mol.molaniko dakenga;
 - (vii) Maiarango pangchake mol.molaniko dakenga;
 - (viii) Maiba gipin uidapanirang dongode, jerangkon Commission mol.molaniko aganchakna tarimitingo uarango pangchake aganchakna aro rae on.na man.gen, uarangkoba on.dapna nangnaba gnan;
26. State Information Commission mol.molaniko seon, ia ka.mao on.sogimin lekbarangko on.chapna nanggen:

- (i) Je uiatani ba orderni kosako mol.molaniko dakenga, uarangni copyrangko an.tang jakchi soi ka.giminrang;
- (ii) Je lekkarango pangchake mol.molaniko dakenga aro jeko ua mol.molanio janapaha;
- (iii) Mol.molanio janapgimin pilak lekkarangko sulsul janape segimin;

Complaints – Apoti Ka.anirang

27. Saoba ia a.selrangni gimin, jekai, office PIOko appoint ka.kujani gimin ba PIO/APIO dorkastoko Appellate Authorityona on.atna jechakahani gimin; ba ua mandena RTI Act-gita am.gipa uina nanggnirangko on.jahani gimin ba Act-o dongimin somoi gita on.jaha; ba nangana bate fee.rangko dabiaha; ba chu.gimik ong.gija ba tik ong.gijagipa uiataniko on.aha ine chanchiode, ua State Information Commission complaint sena man.gen. Indakgipa complaintrang para 25(i), (iv), (v), (vi), aro (viii) o segimin gita pilak lekkarang dongna nanga.

Mol.molanirang aro Complaintrangko State Information Commission ni Kam Ka.e Matchotatani

28. State Information Commissionsa mol.molanirang aro complaintrangko chanchie complaint/appeal ka.gipana aro skanggipa PIONa uiataniko daka. Ia Commission, mol.molgipa dol/dolrangni ba complaint ka.gipa dolni kattarangko knachenga ba on.gimin lekkarangko name niani ja.mano ba PIO ba sorkarini dal.batgipa officer jean skanggipa mol.molaniko ra.chakaha, uamangni kattarang aro lekkarangko name nie aro sandichengesa raeko on.a. Mol.molgipa aro complaint ka.gipa dolrangni kattarangko knachenggen ine Commission chanchiode, ua knaani salna salsni skang, uamangna tom.ani koborko uiatgen. Mol.molgipa ba complaint-ka,gipa Commissionni mikkangona an.tangan re.bana man.a ba sakgipinko watatna man.a ba re.bagijaba dakna man.a.

Mongsonggipa Web-site-rang

29. Ka.mao on.gimin web-site-rango ia RTI Act ba Uina Nanggniko Am.ani
Niamrangni gimin bang.a namgipa uidapanirangko man.gen:
- (i) Meghalaya Sorkarini Website-rang
 - (ii) State Information Commissionni website.